

Comites, Barones, Equites auratos, Armigeros, &c.

Pora, sive Tribunalia Hibernia.

Parlamentum Claus. ann. 12.

Tribunalia Hibernia.

Gubernatores.

Leges.

Marescallus Hibernia. Anno 9 Regis Ioannis.

Summum Regni Hibernia forum est Parliamentum quod pro Regis Anglia arbitrio à Prorege indicitur, & dissolvitur; etsi regnante Edwardo Secundo sancitum erat ut singulis annis Parliamenta in terra Hibernia tenerentur; Iuridici etiam conventus quatuor ut in Anglia quotannis habentur, & quinque sunt Tribunalia, videlicet Camera Stellata, Cancellaria, Bancus Regius, Bancus Communium Placitorum, Scaccarium sive Fiscus Regius. Sunt etiam Iustitiarum Assisarum, Nisi prius, ad audiendum & determinandum, prout in Anglia, & Irenarchæ in singulis Comitatus ad pacem conservandam. Rex etiam habet suum ad Legem servientem Procuratorem sive Attornatum Generalem, & Sollicitatorem.

Sunt etiam in Provinciis remotioribus ad jus dicendum Gubernatores, ut qui in Connachtia primarius Commissionarius, in Momonia Praeses dicitur, qui suos habent adfessores è nobilibus & jurisperitis, qui tamen singuli Proregis nutum respiciunt.

Legibus vero iisdem Communibus sive Municipalibus quibus utitur Anglia administratur Hibernia. Legimus enim in Sacris Regni Scriptoriis. Rex Henricus Tertius Anno regni XII mandavit Iustitiarum suo Hibernia ut convocatis Archiepiscopis, Episcopis, Baronibus, & Militibus ibidem coram eis legi faciat Chartam Regis Ioannis, quam legi fecit & iuraria Magnatibus Hibernia de legibus & consuetudinibus Anglia observandis, & quod leges illas teneant & observent. Parliamentaria etiam sive Statutorum, ut vocant, Angliae Leges usque ad Henrici VII tempora in usu erant. Anno enim regni ejus x illa stabilita & confirmata erant auctoritate Parliamentaria in Hibernia. Sed jam inde sua habuerunt Statuta Parliamentaria.

Præter civiles hos magistratus militarem etiam habet unum, scilicet Marescallum, qui admodum hic usui est tam ad militum, quam ad rebellium qui subinde negotium faceffunt insolentiam coercendam. Hoc munus Barones Morley ex Anglia olim ut ex Actis publicis constat hæreditario gesserunt. Rex enim Ioannes hoc munus hæreditario jure tenendum his ipsissimis verbis dedit, Ioanni Marescallo dedimus & concessimus pro homagio & servitio suo Marescalliam nostram totius Hibernia cum omnibus pertinentiis. Dedimus & ei pro homagio & servitio suo Cantredum in quo sita est villa de Kilbunny, habenda sibi & hæredibus suis de nobis & hæredibus nostris. A quo ad Barones de Morley recta serie descendit. Marescallus autem suum sub se habet Submarescallum, (Provost Marescall vocant) & aliquando plures pro rerum & temporum diffi-

Hibernia.

cultate qui suam circumscriptam sub Magno Hibernia Sigillo cum instructionibus exercent auctoritatem. Sed hæc & huiusmodi curiosæ aliorum diligentia relinquam. De ratione jus administrandi inter agrestiores & sylvestres illos suo loco, cum de illorum moribus egero, paucula subtexam.

Hibernia Divisio.

Hibernia ex incolarum moribus in duas divisio. spectatur partes, qui enim legibus teneri reculant, & incultius vivunt, Irishie, & vulgo Wilde Irish, id est, Sylvestres Hibernici, vocantur: qui vero cultiores legum potestatem sanctam habent, & iudiciis se sistunt, Anglo-Hibernici dicuntur, & eorum regio The English Pale, quoniam primi qui advenerunt Angli quosdam sibi limites in Orientali & fecundissima insula parte circumscripserunt, intra quos & hodie sunt qui incultius vivunt, minusque legibus parent, ut extra alii, in quibus nihil ad humanitatis cultum desideres. Sed ut antiquiora spectemus, ex situ, seu potius Rectorum quondam numero, quinque continet portiones (Pentarchia enim olim erat) Momoniam videlicet ad Austrum, Lageniam ad Ortum, Connachtiam ad Occasum, Ultoniam ad Septentriones, & Mediam in ipso fere medio. Quæ ad civilem administrationem ita in Comitatus dividuntur.

In Momonia sunt Comitatus

Kerry.
Desmond.
Cork.
Waterford.
Limerick.
Tipperary, cum Comitatu S. Crucis.
Tipperary.

In Lagenia Comitatus sunt

Kilkenny.
Caterlogh.
Queen's County.
Kings County.
Kildar.
Weisford.
Dublin.

In Midia Comitatus

East Meth.
West Meth.
Longford.

In Connachtia Comitatus

Twomund.
Galloway.
Maio.
Slego.
Letrim.
Roscomam.

C

In VI-